



A BETTER LIFE FOR ALL

**ASENZE OKUNENGI,
NGOKUBAMBISANA.
VOWUDELA I-ANC**

Issued by the African National Congress,
ANC Headquarters,
54 Pixley Ka Isaka Seme Street,
Johannesburg, 2001,
+27 11 376 1000,
www.anc1912.org.za


© ANC 2024



African National Congress



ANC



ANC 2024 ELECTIONS MANIFESTO

ASENZENI OKUNENGI, NGOKUBAMBISANA. IPILO ENCONO KAWOKE WOKE

Amakhetho ka- 2024 afika ngesikhathi lapho sigidinga khona iminyaka ematjhumini amathathu yekululeko nedemokhrasi. Kube minyaka ematjhumini amathathu yedemokhrasi yethu yomthethosisekelo ngaphakathi kwayo esisebenzela ukutjaphulula iinketani zebandlululo, sakhe umphakathi omafulufulu nowedemokhrasi, ongaqinisekisa ipilo encono kawoke woke.

Ngokubambisana nemiphakathi, izakheko zemiphakathi, iinhlango zamasonto, iinhlango zelutjha nezabomma, bekoro yezobukghwari, i- LGTBIQIA+, abarholi bendabuko, abantu abakhubazekileko, izazi, abantu abakhulileko namabhezini, sakhe umbono ofanako weSewula Afrika ebumbeneko, engabandlululani ngokobutjhaba, engabandlululani ngokobulili nethuthukileko, engatjhiyi abanye abantu ngemuva.

Umlahlandlela weenthebiso zamakhetho ze-ANC utjheje khulu ipumelelo efinyelelwe eminyakeni ematjhumini amathathu edlulileko, ekwakheni umphakathi ongabandlululani ngokobutjhaba, nangokobulili, ekuhlonipheni amalungelo kawoke woke, kunye nekufinyeleleni izenzelwa eziqakathekileko. Sifinyelele okunengi, ukuqinisekisa bona woke umuntu ufumana ifundo, amanzi nokukhanjiswa kweensila ngamanzi, zamaphilo, izindlu, ukuthintana, kodwana kufuze senze okunengi ukuqinisekisa bona koke lokhu kusebenza ncono begodu kufinyelela umuntu woke.

Kungebangelo bona, ngemva kweminyaka ematjhumini amathathu solo ilizwe layamela embusweni wentando yenengi, bona sifune igunya lokukhambiselela umnqopho wethu ofanako wokuhlela ngobutjha nokwenza amatjhuguluko. Umlahlandlela weenthebiso zamakhetho ze-ANC uyazibophelela bona sibekelele phambili amahlangathi alandelako, ekungaqakathekileko ekwakheni ipilo encono kawoke woke:



IHLELO LETHU LEMISEBENZI LOKWENZA BONA WOKE UMUNTU WESEWULA AFRIKHA ASEBENZE

Ukwakha amathuba wemisebenzi eyi-2.5 million ngokuhlangabezana neentlhogeko eziqakathekileko, isizo lesitjhaba lelutjha, amathuba wabafundi abaqede emazikweni wefundo ephakemeko abangasebenziko nokusekela umphakathi; ngokusebenza nekoro yangeqadi ukuvula amathuba wemisebenzi, nangokusisa emabhezini amancani, iinkhampani ezihlanganyelweko namabhezini wemalokitjhini neendaweni zemakhaya; ukwakha amanye amathuba wemisebenzi eyi- 1 million. Sisazokuragela phambili nokwakha ukulingana ekuqatjhwani kiwo woke amakoro wamazelo namakhonofundwa, ekorweni yangeqadi nembusweni.



UKWAKHA AMABUBULO AZOKWENZA WOKE UMUNTU AFINYELELE UMNOTHO

Ukukhulisa nokukhulisa umnoto, sizokutjheja khulu ukusekela amabubulo aqakathekileko navula imisebenzi, njengeyezenziwa, zevakatjhobukelo, zeminotho efukulwa libhoduluko naleyo efukulwa ngezemanzini; ikoro yezobukghwari namanye; ngokwenza njalo bona sandise imikhiqizo ethunyelwa kamanye amazwe we-Afrika nezinye iimakethe ezitja, begodu sihlele nobutjha umnoto. Sizokubuyisa siqinise amabubulo amakhulu afana neyeemayini, zesimbi, zokulinywako, zokukhandwa kweenkoloyi nokwakha, zokuthungwa kweambatho nokukhiqizwa kwamatjhiila, zamakhemikhali nezinye nje.

Sizokulungisa iinqabo zomthangalasisekelo kezamandla, zamanzi, zokuthutha, nezokulawulwa kwemithombo ekungeqakathekileko ekuthuthukiseni umnoto nokukhulisa zamaphilo, zefundo nomthangalasisekelo womphakathi.

Sizokukhulisa ihlelo labosomabubulo abanzima ukusekela iinkhampani ezizi- 2,000 ; sirhabise ukuhlelwa ngobutjha kwenarha nokuvikelwa kobunikazi benarha, begodu sisekele amabhezini amancani neenkhampani ezihlanganyelweko eziphethwe bomma, nabantu abatjha kunye nabantu abakhubazekileko. Sandise umkhiqizo ophuma elizweneli oya eemakethe zephasi loke nenarhakazini yoke ngokusebenzisa isivumelwano sokurhwebelana simahla eAfrika i-African Continental Free Trade Area (AfCFTA), i-BRICS Plus nomgomo wobudlelwano bokurhwebelana namazwe ngamazwe , nokuhlelwa ngobutjha kwekoro yezeemali, ukuhlangabezana neentlhogeko eziqakathekileko zabantu nokusekela ukuvulwa kwamathuba wemisebenzi nokwakhiwa kwamabubulo.



UKULWA NEZINGA ELIPHEZULU LEENDLEKO ZOKUPHILA

Ukwenza bona ipilo ingabizi khulu kabasebenzako, abangasebenziko, imikhaya ephethwe bomma bodwa kunye nabantu abaphila ipilo ephakatjhana, sizokwenza okunengi ukutjheja iintlhogeko eziqakathekileko ezifana nokudla, izindlu, itjhejo lezamaphilo, amandla, amanzi, zokuthutha kunye nemirholo. Emnyakeni ozako, sizokubekela phambili ukuvikeleka kokudla, sisuse umthelo we-VAT emikhiqizweni ekungethogeka khulu, sirhabise ukuhlelwa ngobutjha kwehlabathi, sisekele iingadi zemiphakathi/zemikhaya, siqede nokubekwa kwentengo ngokungemthetho emikhiqizweni esetjenziswa khulu.

Sizokuragela phambili nokusekela iinsiza ezitlhogeka khulu ebantwini ezifana namanzi, izindlu kilabo abatlhagako, imigomo yabatlhagako kiboMasipalada, sithuthukise ukusetjenziswa komlilo ophehlwa mamandla welanga, siqinise imisebenzi yezamaphilo begodu sihlome itjhorensi yesitjhaba yezepilo i- National Health Insurance (NHI) kobanyana itjhejo lezamaphilo lingabizi khulu begodu lifunyanwe babantu boke. Sitjheje indaba yokuthayela kweendawo zokuhlala zabafundi, silawule ukubekwa kwentengo yazo begodu sakhe nezinye.

Ukuthi kungazokuba nomuntu osalela ngemuva, sizokuqinisa isekelo lemalingeniso ngeembonelo ezikhona nje zehlalakuhle, sisebenzise iimbonelo ze-Social Relief of Distress (SRD) ukufaka esinye sokusekela labo labo abatlhagako, begodu siqinisekise nokuthi isilinganiso esibekiweko sokuthoma kwemirholo sikhambisana nentengotjhuguluko i-infleyitjhini.



UKUSISA EBANTWINI NOKUHLANGABEZANA NEENSIZA EZIQAKATHEKILEKO

Sizokwenza ncono ukuphucula izinga lefundo, zamaphilo nokuhlela neminye imisebenzi yomphakathi bona ikhambisane nesikhathi sanje, nokuthi zoke iingaba zikarhulumedise zisebenze ngokubambisana ukuqinisekisa ukunikelwa kweenzelwa ezincono.

Sizokunikela urhulumente ophezulu noweemfunda amandla wokusekela nokungenelela kibomasipalada abadosa nzima ukunikela imiphakathi izenzelwa, nokusiza ngokuphakela amanzi ahlwengekileko, ukungezelela amandla wokulungisa umthangalasisekelo wamanzi. Sizokuphucula ukuphatha namandla wesizo lomphakathi, siqede ubukhohlakali begodu sisebenzisane nemiphakathi ukunikela ngeenzelwa zezinga eliphezulu nezithembekileko

Sizokwandisa ukufinyeleleka kweembonelo zehlalakuhle, iinsiza zasimahla nabasekelwako, izindlu, iintuthi, amanzi, ukukhanjiswa kweensila ngamanzi, igezi nokuthintana, begodu sisise nemakghonweni wabantu, ekubalwa ifundo netwasiso , nokufinyeleleka kwezamaphilo.

Sizokuqinisa begodu sisekele nendima edlalwa mindeni ekusekeleni abantu abatjha nabadala, ekutjhejeni ngokukhethekileko ukukhuliswa kwabentwana. Sizokubuyisa siqinise izinga lemisebenzi eyenzelwa abantu abadala, ekubalwa iinsiza zomphakathi kunye neendawo zokuthogonyelwa kwabo, sikhuphukise nezinga lokuqalelelwa nokuhlontjiswa kwabantu abadala emphakathini.



UKUVIKELA IDEMOKHRASI NOKUKHAMBISELELA IKULULEKO

Sizokukhuphula begodu sivikele amalungelo wabantu boke ekubandlululweni ngokobutjhaba, ngokobulili, ukuthorisanana ngokobulili, ukubandlululwa kwabathandana ngokobulili obufanako, ukubandlululana nokungabekezelelani; sikhambiselele amalungelonesithunzi sabentwana, ilutjha, abantu abadala, abantu abakhubazekileko kunye namalunga womphakathi wabantu abawela ngaphasi kwe-LGBTQIA+; begodu siragele phambili nokulwela ikululeko yabomma nomphakathi onganinani ngokobulili.

Ukuqinisa isandla phezu kwepi yokulwa nobulelesi nokwenza imiphakathi yethu iphephe, sizokuthatha amagadango aqinileko ekusetjenzisweni kweendakamizwa, ubulelesi obuhleliweko, izenzo zokuthorisanana ngokobulili nokubulawa kwabomma, ukwetjiswa nokoniwa komthangalasisekelo, ukugalajwa kwabantu ngekani nezenzo zamagenge.

Ubukhohlakali bunyaza ithemba ebantwini abadala nekuthuthukiseni ilizwe lethu nemiphakathi yethu. Yeke sizokuragela phambili ukulwa nabo bunqophu ubukhohlakali, siphucule ukuziphendulela kwakarhulumente, siqinise amakhono kezokuphenya nokutjhutjisa begodu siqinisekise bona zigcina ngokuthathelwa amagadango aqinileko izenzo zobukhohlakali embusweni nekorweni yangeqadi. Silihlela ngobutjha irherho lezokulawula ukungena nokuphuma

elizweni lekhethu kobanyana sizokuqalana nendaba yobukirikitjhani nezenzo ezingasisemthethweni zokungena kwabantu elizweneli, sense kube lula ikambiso yeembawo zama-visa, siveze imithetho ebumbanisako, nelawula abaphalali nokungena elizweni lekhethu.

Ukuqinisekisa bona iimbopho zethu ziyasetjenziswa, ukwakha umbuso onekghono nokuthuthukisako, ukuqinisa isebenziswano phakathi kweengaba zikarhulumente nabantu, ukuvuselela nokuphucula aborhulumente beendawo, ukwakha isizo lomphakathi eliqalelela nelithuthukisa imiphakathi ngemigomo ye-Batho Pele, begodu siqinise ukubusa ngokuhlanganyela nge-District Development Model.

Ukusekela indima efakwa ngezobukghwari, igugu lamasiko, amalimi, amasiko, zemidlalo nekoro yezobukghwari ekwakheni isitjhaba; ukubumbanisa isitjhaba nokusithuthukisa.



UKWAKHA I-AFRIKHA ENCONO NEPHASI ELINCONO

ISewula Afrika izokuragela phambili nokusekela ituthuko nokuthula enarhakazini yethu nangaphetjheya kwamalwandle, siqinise ukurhwebelana nesebenziswano kezamasiso namanye amazwe begodu sisebenzelele ukuhlelwa ngobutjha kweenhlango zamazwe ngamazwe, sikhambiselele ukuzwelana, ukuhlanganyela nabanye aborhulumente netuthuko, ukwakha umoya wokuthula nobungani nazo zoke iintjhaba.

ASENZENI OKUNENGI, NGOKUBAMBISANA

Umlahlandlela weenthebiso zethu zekhetho ubophelela I-ANC, eminyakeni emihlanu ezako, bona ilungise imitjhapho begodu yenze okunengi, msinyana nangendlela encono.

I-ANC izibophelele ekuthuthukiseni, begodu, lapho kunefuneko khona, ilungise Amalunga nabarholi bayo. Leyo yincenye yokuzivuselela kwethu.

Ngokusebenza ngokubambisana nawo woke amakoro womphakathi wethu, ngokubumbano ngokuhlukahlukana kwethu, singenza okunengi ukwakha ipilo encono yawo woke amaSewula Afrika.

VOWUDELA I-ANC

29 MAY '24

African National Congress



ANC



MYANC PLEDGE ELECTIONS INITIATIVE



A BETTER LIFE FOR ALL

TO PLEDGE



SCAN ME

OR GO TO

www.anc1912.org.za/pledge

OR

SMS "ANC" TO

37057

to PLEDGE R10

44892

to PLEDGE R20

42053

to PLEDGE R30

PLEDGE FOR A
DECISIVE VICTORY
AND A BETTER
LIFE FOR ALL!